

cum domino sextæ in Leone, qui est in secunda radicis, tamen in sexta loco Lunæ radicis, dat cruditatem stomachi, quoniam Leo stomachum habet, & Luna est dupliciter infortunata, primo, quia in sexto signo à radice sua existit, secundo, quia coniungitur cum domino sextæ natiuitatis &c.

Luna, uel profectio eius ad quadratum, uel oppositum Mercurij radicis, aut reuolutionis si peruenerit, aliquam perturbationem ex parte seruorum, aut alicuius hominis Mercurialis, uel rei expectetur, causa significatorum illius domus in qua Mercurius fuerit, uel causa domus, cuius ipse dominus extiterit.

Cum Luminaria peruenerint ad quadratum, uel oppositum locum radicis, & infortunæ ad loca radicis, uel ad quadratū, uel oppositum eorum, & profectio ascendens, & Lunæ similiter ad loca mala, significant magnum periculum corporis, ac discrasiam, dura negocia, difficultates, & contrarietates.

Saturnus & Mars si testimonium habuerint in reuolutione, & uiderint se quadrato, significant ægritudinem melancholicam, turbationem, uel damnum.

Si Saturnus fuerit dominus anni, & læserit diuisorem, uel ascendens radicis, uel reuolutionem, & præsertim Lunam, significat flegmaticos, & melancholicos humores, & catharrum, præsertim circa inferiores corporis partes, si Saturnus fuerit in Sagittario, Capricorno, Aquario, uel Piscibus.

Saturnus dominus anni, ac dominus profectiois Lunæ, & similium Hylegiogram plurimum, curas animi, & sollicitudines, turbationesq; uarias, & melancholicas passiones decernit.

VII.

Septima domus significat mulieres, inimicos manifestos &c. Pro illis uide cuspides septimæ, ac dominos earum in ambabus figuris, & gradum diuisionis septimæ domus radicis, & eius diuisorem, in utraq; figura, & cōmisce illis significata domini anni, Alfridariarum, &c. ut supra.

Aphorismi de tempore coniugij.

Directio Iouis ad partem coniugij radicis, significat nuptias, etiam si fuerit fortis aspectus ad ipsam partem.

Ingressus Veneris ad locum Iouis in reuolutione, decernit plerumq; uxorem.

Si dominus signi partis coniugij fuerit in eodem loco radicis, cum parte coniugij, completis primis annis illius signi, nuptiæ decernuntur. Sunt autem tempora signorum Arietis 15. Tauri 21. Geminorum 27. Cancrī 33. Leonis 37. Virginis 41. Libræ 41. Scorpionis 37. Sagittarij 33. Capricorni 27. Aquarij 21. Piscium 15. Si uero hunc locum non aspexerit, & sit alia stella ibi, cum tempora illius stellæ fuerint completa, nuptias pollicentur.

Quando profectio ascendens peruenerit ad septimam radicis, uel si ascendens reuolutionis fuerit septimum radicis, uel directio Lunæ ad stellas fixas fortunantes, sunt propria tempora coniugij.

Quando Iupiter applicuerit parti coniugij, uel pars ipsa ad Iouem, uel gradus septimæ ad gradum domini ascendens, uel ad ipsummet ascendens, uel Iupiter ad gradum Veneris, significant coniugium.

Dominus ascendens reuolutionis in septima, à nullo aspectus, significat coniugium, & in nona, iter. In sexta, octaua, uel duodecima malas ualitudines, uel carceris angustias, uel malū ab inimicis, In undecima, spem bonā, In quinta, filium, &c.

Ll ij

Quando